

Nunami aalisakkerivinni innaallagissamut, imermullu akikillileruteqartitseriaatsip atuuttup aallarnisaasunut, suliffeqarfinnullu mikinerusunut atuutsilersinneqarneratigut aningaasatigut, allaffissornikkullu kingunissaanik erseqqissaasumik nalunaarusiornissaanik, Naalakkersuisut peqquneqarnissaanik Inatsisartut aalajangiiffigisassaattut siunnersuut. Nassuiaat aningaasalersueriaatsinik, Inatsisartullu aalajangiinissamut tunngavissaanik ataatsimoortumik imaqqassaaq. Nassuiaat kingusinnerpaamik 1. januar 2027-mi Inatsisartunut agguanneqassaaq.

(Inatsisartunut ilaasortaq Napaartoq Isak Petrussen, Demokraatit)

Akissuteqaat

(Nunanut allanut, Inuussutissarsiornermut, Aatsitassanullu Naalakkersuisoq)

Aappassaaneerineq

Inuussutissarsiornermut Ataatsitassanullu Ataatsimiititaliap suliamik peqqissaarullugu suliaqarneranut, isumaliutissiissuteqarneranut, allannguutissatullu siunnersuuteqarneranut Naalakkersuisut qutsavigaat.

Siunnersuutip siullermeerneqarnerani aamma Inuussutissarsiornermut Ataatsitassanullu Ataatsimiititaliap isumaliutissiissuteqarnerani Naalakkersuisut paasivaat, suliffeqarfinnut mikinerusunut aamma aallarnisaasunut atugassarititaasunut sinaakkusiussat pitsaanerunissaat pingaaruteqartoq nalinginnaasumik isumaqatigineqartoq. Ilutigisaanik ilaatigut innuttaasut aningaasartuuteqarnerunissaat imaluunniit Nukissiorfiit aningaasatigut tunngaviata ajorseriarnissaa pinngitsoortikkumallugu, akikillileruteqariaatsit imaluunniit allatut tapiissuteqartariaatsit naleqquttumik ilusilersorneqassasut ataatsimiititaliap tikkuarpaa.

Innaallagissamut, imermullu akikillileruteqarnissamik siunnersuutaqqaartup siunertaata saniatigut isumaliutissiissummi eqqaaneqarpoq, najukkami inuussutissarsiutinik ineriartortitsinissamut assartuinermut aningaasartuutit qaffasissut aamma akimmiffiusinnaasut.

Naalakkersuisut taamatut oqaaseqarlutik Ataatsimiititaliap allannguutissatut siunnersuutaanut isumaqataapput:

”Innaallagissamik imermillu atuinermut assartuinernullu tapiissuteqartarnerup unammillernartuinik, pitsaaqutaanik kingunerinillu qulaajaasumik

nassuiaasioqqullugit Naalakkersuisut peqquneqarnissaannik siunnersuut. Tamatumani aaqqissuussineq, pineqartoq tamatumanili imminut Inatsisartut aalajangiiffigisassaattut tassaasinnaavoq pilersornerup akikilliliisarnermik tunisassiornerullu annertusineqarnissaat siunertaralugu qitiutillugit siunnerfigineqassallutik aallarnisaasut suliffeqarfiillu mikinerit. periusissiassamut Nassuiaat atatillugu inuussutissarsiutinik suliarineqarsinnaavoq, agguaanneqassalluni UPA 2027-p aallartinneranut atatillugu.”

Tamanna pillugu Naalakkersuisut inassutigaaat Demokraatit, Inuit Ataqatigiit aamma Atassut ataatsimiititaliami amerlanerussuteqarlutik allannguutissatut sunnersuutigisaat akuersissutigineqassasoq.